




Small white label on the spine with faint, illegible text.



Opuscula

Opuscula

I
C

A
P

C
D

A
S

I
A

34

F A M A

Triumphantis Sanctimonix

D. JOANNIS NEPOMUCENI.

Sacræ The: & I. V. DOCTORIS,
CANONICI Cathedralis Pragensis,

Thaumaturgi, ob servatum Sanctæ Confessionis Sigillum

MARTYRIS, famâ periclitantium Singularis

P A T R O N I

à Romanis Collibus

viva voce

S. D. N. BENEDICTI XIII.

ad Turres

Metropolitanæ Urbis Cracoviensis

R E F R A C T A.

Orbe Univerſo Reſonans

Dum

Solennis Ejusdem Sancti

ad Ecclesiam Divi ADALBERTI, in Circulo Cracoviensi,

promotione Confraternitatis Literatorum, & aliorum Cultorum,

ex Basilica Cathedrali Cracoviensi fieret

I N T R O D U C T I O.

A

M. MARCO ANTONIO KARGOLEWSKI,

Artium Liberalium, & Philosophiæ in Alma Univerſitate

Cracoviensi DOCTORE & PROFESSORE.

brevibus paginâs

C E L E B R A T A.

Annò. Famam & salutem Generis humani Reparans DEI Hominiſ,

MDCCXXIX. Die XVII. Septembris

CRACOVIAE, Typis Jacobi Mátyaszkievicz S. R. M. Typographi.

Josephus Jazdzewski



Qui solitus Famæ cunctorum vota tueri
Haud Famam vitæ poscis habere Tuæ
Sed vanam mundi cupiens excedere laudem
Extendens palmas, tendis ad astra Poli
Hinc magis inspiciet mundus Te Sancte Patron
Qui Sancta vitâ, clarus in Orbe nites.

Augustissimæ Cæli Terræq;
D O M I N Æ
Immaculatè Conceptæ VIRGINI
M A R I Æ,
DEI Hominis MATRI
M A R T Y R V M
R E G I N Æ.



Sicut Acratissimo pedum Tuorū calcaneo, quō
ad salutem generis humani caput Serpen-
tis contrivisti, cui se Luna inflectit ac
arcuat supplantanea, & tam Calum-
quā terra supplex adorat, non profa-
num sed Sacrum opus utinam te Regi-
na dignum unā mecum substerno. Si-
quid etenim vel ingenij hominibus, vel fortuna suppetit id
Tibi post DEUM uni debemus, per cuius manus omnia à
DEO accepimus. Verè MARIA Nomen Sanctum Tuum,
inexhaustum gratiarum Cælestium pelagus, in quod Ganges
A2 Hyda-

Hydaspesq; Divinorum beneficiorum, unde ditemur, delabun-
tur. Depromant sacula, quinimo aternitas tota, ex Te pre-
tiosissima necessitati & ornamento cymelia, Tu ex intemera-
tis visceribus Tuis, quã terram Cælo, hominem DEO ne-
xisti suggestisti hypostaticam unionem digna ex Ancilla Do-
mini fieri MATER DEI, ex statu Creatura, in solio æ-
terni Regis collocari. Tua sunt omnia, quia à Te, etiam
& Divorum Sanctitas, & invicta Martyrum fortitudo,
Famam triumphantis Sanctimonie D. NEPOMVCENI
per Ecclesiam approbatam, vive vocis oraculo summi in
Terris Filij Tui Vicarij declaratam benigna suscipe. Ut
viveret Orbi IOANNES fecunditas sterilibus Parentibus
per Te à DEO impetrata, ne immaturè ingravescente
morbo obiret, & ad meritum Sanctorum perveniret. Tu lan-
guenti incolumitatem tribuisti. Uixit ad Doctorales laureas,
ad Ecclesiasticas illasq; Cathedrales functiones, vixit deniq; ad
Martyrum immarcescibiles palmas, absq; dubio Tuo spiritu,
quia totus quã vite innocentia, qua erga Te singulari de-
votione Marianus. Propè eundem participem gloriae Tuae
esse voluisti: Tibi coronam Stellarum duodecim Cæli, illi
stellarum quinq; inter undas superfuso Sacro Corpori nexu-
erunt. Donum Tuum gratiosum IOANNES, Tibi re-
deat in munus, grata DEO NEPOMVCENVVS Mär-
tyr hostia, merito Tibi Matri offeratur, Ergo NEPOMV-
CENVM respice tecum in Cælesti triumphantem Patria &
unã cum illo Fame illius precones benedic ac tuere viatores.



F A M A
Triumphantis Sanctitatis
D. JOANNIS
NEPOMUCENI,

Sancta D. JOANNIS NEPOMUCENI Nativitas, precibus piorum Parentum à B. V. MARIA impetrata.

Singulare pretium Orbis NEPOMUCENUS,
carò à Cælis emi debuit quia precibus
Nam veluti naturaliter superi IOANNEM nobis inviderent,
nonnisi eum dedere Parentibus per MARIÆ gratiam.

Emissæ sunt tot voces versùs aras,
ut hic Mystes nasceretur,
tot suspirià alto de pectore ducta,

ut cordis humani delictum; iam tandèm oculis spectaretur:

Qui tot votis, tot affectuum motibus poscebatur.

Recurrunt pia sollicitudine Parentes,

B

ad

ad DEI Genitricem,

Qui per manus MARIÆ omnia à DEO dari hominibus norunt
per eandem suæ sterilitatis;

Saltim unicum poscunt dari IOANNEM.

Fons signatus M A R I A speciali privilegio
ad vota enixè perentium referatus,

hunc laticem, Orbem totum Sanctitate sua non latentem fudit;
cùm sua intercessione Divum mundo intromisit.

In quo igitur defecerit natura,
in eodem superabundavit MARIÆ gratia.

Miraculum fuit exultasse in Vtero ELISABETHÆ
ad Marianum adventum Infantem Baptistam,

& iam venisse NEPOMVCENVM sterilibus Parentibus

ob MARIÆ gratiam penè prodigium.

Ille ut una vox Clamantis fieret & quidem in deserto
hic ex concinnis vocibus publica totius Orbis Fama:

ille ut peccata palam argueret, hic ut celaret.

Genus viperarum (Herodem intelligo,) ille præsit,

hic coronatum triplici diademate monstrum VLADISLAVM,

servatò Sacræ Confessionis sigilliò confudit.

Famæ Patronus singularis,
ope MARIÆ tantùm nesci potuit & debuit,
quæ sine labe concepta.

Primorum Parentum infamiam,
omnes posteros Adæ afficientem delevit.

Aurora consurgens!

Lucina NEPOMVCENO fuit commodissima,

ejus gratiâ sibi prodromante,

lucem

lucem genitus aspexit
tota vita solem Iustitiæ contemplatur.

*Sanctam D. JOANNIS NEPOMV-
CENI Nativitatem, lumen Domui illius
circumfusum, prodigiosè demonstrat.*

Adeste huc curiosi Astrorum observatores,
cùm IOANNES nascitur.

Lux Domui circumfusa exoritur,
novas formate prognoses.

Infanti servio Tullo, caput dormienti arsit,
futurum lumen Romani Regni,
à Vatibus definitus.

Nascente IOANNE, lumina emicant;
in lucem gentium & Imperiorum assurget.

Veniet tempus, adlabetur ille sæculi tractus,
quo primæ Magnitudinis sydus demonstrabitur.

Virtus illius ac integritas ita radiabit
ut ab oriente in occidentem,
à meridie in Septentrionem, appareat spectatori
oculo lucidissima.

Conjunctum Sacra unione
Soli Iustitiæ

Phænomenon IOANNES,

in perpetuas lucebit æternitates;
etsi quempiam hominum errare contigerit,
per NEPOMVCENVM Famæ suæ Patronum,
in viam Salutis æternæ,
in boni Nominis iter dirigetur.

*Sancta D. JOANNIS NEPOMV-
CENI, sub cura piorum Paren-
tum pueritia.*

ECælo nacti IOANNEM Parentes,
Ei Cælo convenientem præbent institutionem;
renatus aqua baptismali,
Aquarum Martyr futurus:
levari debuit ab hoc fonte, ut ad meritum
ipsi celsisset submersio.

Ianua Sacramentorum Baptismus, ideoq; & meritum;
gratis laboraremus, si nobis hæc gratia prima non daretur
nihil quidquam proficit, si hoc unicum donum deficit;
renasci ex aqua & Spiritu Sancto convenit,
si ad gloriam æternam emergere,
& puris illis Spiritibus Empyreï Incolis
purissimoq; Actui DEO T. O. M. jungi exoptamus,
gratiæ Divinæ rivô lavatus IOANNES,
semper candorem innocentiaë retinuit.
Solutus crepundiis infantilibus,
sed non ad puerilem juventam;

totus

totus in **DEVM** compositus
ad normam senilis pietatis

Manus cæterosque artus formavit puellus:
crevit ætate, crevit pietate.

Domum DEI Ecclesiam

magis quàm Parentum adamavit ædes,

ex his ad illam semiduobusmilliaribus distantem
quotidie decurrit devotione promptissimus

suo tempore Mystes sacerrimus.

DEO oblaturus hostiam

Continuum Mystis se præbuit ministrum.

sacrificio tremendo duxit inservire

non sine religioso timore.

Ad Thaumaturgam Virginis Imaginem

cor suum pro devoto Anathemate appendebat,

nonquam longum censuit tædium

diutissimè assistere Ecclesiæ ministris,

ad meridiem protensa devotio

non **IOANNEM** vidit à pietate remissum

Post Sacras oblationes pluribus Præsbiteris

affirmantibus Missa fuit

altare **IOANNES** non dimisit.

Vix iter versùs Domum arripuit,

Cum in ædibus marianis cursus Missarum

sibi ordinate succedentium cessavit

Crepusculum **IOANNEM** Domò expedit quem vix meridies

C à tem-

a templo amovit, vesper redeuntem

Domi suæ excepit.

a Posporo ad Hesperum

Semper eundem retinuit IOANNES tenerrimus tenorem,

illi per sacrificia elabebantur horæ

& momenta per passus huc euntis

indeq; redeuntis effluebant.

strenuus in parvo Corpore Athleta.

cum ipsis superis concurrebat,

qui ut semper Divorum esset inquilinus

quotidie voluit esse peregrinus.

Deficientes continuo itinere vires

Deficiente usque sole refecit,

Vniusque diei cibus fiebat alterius IOANNI Viaticum.

Qui teste Sole pro Cælo multa per diem egit,

Spectantibus usque Stellis

absque prandio, merendaque

meritissimus Adolescens parcissimè cænatus.

*Sancta D. JOANNIS NEPOMUCE-
NI studia. Academica promotio. & Do-
ctoralis in Cathedra Pragensi honor.*

Domi Sanctis moribûs imbutus IOANNES
ad scholas literis tendit informandus.

Aprincipio Sapientiæ Timore inquam Domini
audacter in Scientias Divinas humanasque processit.

Illustre tum fuerat Pragæ studium

non tantum Bohemici Regni, sed & confinium Regnorum
cummune atheneum

Caroli IV. Imperatoris fundatione opulentum
Professores & Discipulis crebrum.

In hoc IOANNES tam dextre studuit
ut laureas etiam mereretur Doctorales.

qui totum mente volvebat DEVM
facile in laureatum evasit Theologum
toto corde justitiam dilexit.

magis in candido pectore quam in Corpore Iuris
habuit descriptam æquitatem

S. The: & Iuris utriusque Doctor proclamatur.

Quòd erudierit ad justitiam multos

Doctorale Caput ipsius signum est

inter radiantia Cæli radiantis quinque Sidera Splendidum
lucens in perpetuum.

Hæc itaque Sancta eruditio gradus illi effecta fortunatissimus

ut in Pragense Sacrum Capitulum
an honoris sui Capitolium conscendisset.

Canonicus morum Canon, probitalis Idæa

Mystes devotissimus

Aris cum profundo præsens cultu, superis cum accenso
Zelo, proximis cum fervente charitate.

Nempe

in omnium se obsequium ordinatum

autumans Presbyterum

inter Deum & Homines egit Mediatorem

dexterrimum.

*Sancta D. IOANNIS NEPOCENI
erga Beatissimam Virginem MARIAM
Devotio, & crebra in montem viri-
dem peregrinatio.*

Precibus Deiparæ impetratus, in Orbem
ut nasceretur, IOANNES (omnino in
preces) erga MARIAM debuit
esse promptissimus.

Quisq; suo principio multa debet
ita IOANNES cum vitam debuit MARIÆ,
etiam & totius vitæ dicasse illi debuit Orationes.

Felix Sanctaq; IOANNIS Oratio
nam quotidie Mariana.

Sancta suspiria, Sacra & vota
nam ad MARIAM Castrorū Aciem ordinatā
directè ordinata.

Proximus Pragæ Mons Viridis
Thaumaturga Virginis Beatissimæ Imagine
Celeberrimus

Sæpe IOANNEM ad se advocabat:
Ibi Sacris operari, preces fundere, DEVM pro Regno
deprecari IOANNI Solenissimum.

Ab Vrbe quam incolebat remotus

Ipsè

Ipse **IOANNES** Civitas fuit
in hoc Monte, non abscondita.

Hac seria erga **MARIAM** devotione contra Averni
& mundi strenuè decertavit hostes, & semper
vicit gloriosè.

Etiam & silendo triumphavit; quia ante multa
erga **MARIAM** piè dixit:

tacendo opposita argumenta refutavit

pro quo **MARIA**

apud supremum Tonantem,

contra adversam Illi Gigantomachiam,

non iam verba, sed fulmina; Virgineo ore detorsit:

*Sancta Eleemosynarum in egenos Divi
IOANNIS NEPOMVCENI
distributio.*

Vocatus in aulam Regis.

Eleemosynarij Regij nanciscitur functionē

ad quam planè natus **IOANNES**, non assumptus;

hoc primum in votis habuit;

ut semper satisfaceret pauperum desiderijs.

Sua erogabat celeriter

pariter invitatus, & aliena promptè:

qui ex proprijs tenuibus beneficijs multa præstabat

non invenio rationem

quare ex Regijs tam amplissimis proventibus,

D

indi-

indigentiaē alienae quidquam denegaret.
Gratia IOANNES, omnibus, sed maximè indigentibus,

præsentissima.

per eum aditus ad Regem felix,
ad Regias gratias favoresq; apertus.
Qui ferream fortunam per eam ad aures Regias detulit,
auream reportavit;

qui se se Irum coram IOANNE confessus,
Cræsus mox exultavit.

Rex quidem dedit, sed ad preces per manus IOANNIS,
æstimabaturq; ex æquo, ut liberalitas Regis.

In Manus IOANNIS,
certè dextre cefsisset Regi
cum tali thesauri sui Dispensatore,
si post sinistre multa de Coniuge opinatus,
ex integerrimo Eleemosynario,
ob servatum Sanctæ Cofessionis Pœnitentiæ figillum,
non fecisset Martyrem.

*Sanctus honorum in Divo IOANNE
NEPOMVCENO contemptus*

In Sanctis summus honor,
contemptus honorum;
tum ascensum merentur, cum ad infima pro DEO
& proximo peragenda descendunt.
Non se Eliam, Moysem vel Messiam,
IOANNES Baptista, Phariseæ interrogationi respondit
vocem

vocem tantum Auræ fassus

eò nemo major surrexit.

NEPOMVCENO vilis de se æstimatio;

pretium conquisiuit,

& dum honores fugeret, in Divi honoris loco,
fuga eundem stare fecit.

Offerebantur Prælaturæ, plura ad eum concurrebant beneficia;

hîs attolli minimè IOANNES censuit,

Verùm si officium aliquando offerebat se arduum,

hoc aggressus IOANNES fortiter,

minimè ad proventus consequentes respiciens.

Invitabatur à VENCESLAO pluribûs titulîs,

ut sigillum Confessionis fregisset.

Abeant inquit honores, stet suus Sacramentò honos,

Pro læta Confessione maximæ opes accumulati honores,

productior ad decrepitem senium vita,

non videbantur NEPOMVCENO

Congrua satisfactio.

*Sanctæ D. JOANNIS NEPOMV-
CENI Conciones.*

In vinea CHRISTI non mercenarium se ratus IOANNES,

semper fideliter laboravit,

omne opus aggressus, quod DEI Sacerdotem concernit.

Mercurius

quam conquisiuit in Scholis eloquentiam

D2

eam

solus corda novit DEVS
quare in illa Cæsar imperium vendicabat,
Verba Confessionis Sacræ Nummi inæstimabiles
qui in censum Cæsari non penduntur
tot vectigalia habuit Imperator.
miser tributum verborum exposcebat.

Submersi de Ponte Pragēsi IOANNIS hæc vindicta Divina
fuit, detrusus trino Soliō Venceslaus
Fide se illi tot Vrbes, tot Provinciæ ac Regna solverunt
qui non confidens conscientia conjugali
scire hoc voluit, quod nosse Sacrilegum illi,
tacere verò IOANNI Sanctum in æternum.

*Sancta D. JOANNIS NEPOMV-
CENI Lingua ab aliquot seculis
incorrupta.*

Totus IOANNES miraculum fuit cùm viveret
& est adhuc Lingua illius incorrupta quam miremur

Corpus aqua suffocavit

Terra in cineres resolvit

Lingua nec quidquam nocuit.

Scrutari non licet Divina mysteria

Sacramentum hic magnum est

& quidem Pœnitentiæ per IOANNEM integre conservatum.

Lingua hæc cùm vixit, mortua

cùm mortua est, vivit,

Cùm

Cùm viveret tacuit, dicit cùm non vivit
magnalia DEI.

Paucorum dierum taciturnitas miremini!
tot iam sæculorum fit eloquentia
in Schola silentij erudita.

Plusquam Tullius, Demosthenes, Hortensius
ab alijs membris deserta

Suorum encomiorum disertissima

Innocentiam IOANNIS prædicat

Pestem honoris, livorem de tot Personis, Domibus, Urbibus;
Provincijs pellit, & cum Sanguine recenti rubet
evincit.

ut calumnia erubescens
ruborem innocuis non incutiat

Quid hic Hæresis in uno Circuli Germanici angulo
& quidem Bohemiæ contiguo

enata dicis

si ossa Sanctorum adoranda colendaq; prohibes
prohibe hanc laxam dicendi licentiam.

Nam vivit adhuc contra Te Pragæ IOANNIS Lingua
membrum expers ossium

Os Sacrilegum compescit Tuum

& ut fileas svadet, ne acrius contra Te

vel in extremo Tribunali detonet

quæ tanta contra amicos DEI homines

blatteras potius quàm humanè dicis

Sancta Summorum Pontificum CLE-
MENTIS XI. INNOCENTII
XIII. & feliciter moderni Sanctissimi
Domini nostri BENEDICTI
XIII. erga D. IOANNEM
NEPOMVCENVM
benevolentia.

Suprema Orbis Vniuersi Capita
quæ nihil in terris nisi Cælestia cogitant
pridem in mente NEPOMVCENVM habuere.

Vocem populi, vocem DEI

CLEMENS XI. existimans

Immemorabilem IOANNIS cultum approbavit,

& qui supra suos Albanos montes

Patritium sidus fovebat.

Cum sideribus, cumq; radiis IOANNEM exponi non negavit,

Annuit, ut sacra ejus sublevarentur ossa,

ut per Regnum Bohemiæ & Dominia Domûs Austriacæ

tam officia, quam Sacrificia Divina

fierent, sub hujus Patroni Nomine DEO grata

Latius eadem extendit,

Sancta INNOCENTII XIII. liberalitas

nempe per eum paris Beneficij

Tota Polonia & Magnus Ducatus Lithvanix compos
Sacris NEPOMVCENVM votis dignari non desistit

Verùm Coronidem tot Coronis

Sanctissimus Dominus Noster BENEDICTVS XIII.

felici-

feliciter modernus Pontifex Maximus
voce populi olim Sanctum
talem ipse vivæ vocis oraculò declaravit.

Ad immortalia tot factorum suorum documenta
hoc certè non postremum addidit

cùm Famæ Tutelarem
in gloria esse per Solennem Canonizationē
demonstravit.

Sancta hujus Pontificis vox
inter colles Romanos edita

ad Turres nostras Cracias usq; refracta

tantos plausus in gratiam IOANNIS excitat?

quantum Austriæ Vienna, Bohemiæ Praga,

& aliæ per Europam Metropoles

vel maximè Austriaco debitæ Imperio

gestiant, conijecite,

pariter omnes uni NEPOMVCENO obligatæ.

Sanctus Sacratissimæ Cesareæ Domus Au-
striacæ erga D. JOANNEM NE-
POMVCENVM Cultus.

Eucharistico Numini ad stuporem Orbis Devota Domus,
ob non læsam Sanctæ Cofessionis integritatem

Martyri Divinissimo addictissima,

quòd Ecclesiæ Catholicæ Sacramenta enixe colat

F

ipsa

ipsa Myſterium eſt.
à RVDOLPHO Comite Hauſpurgenſi
tot Romanorum Imperatores, tot Hiſpaniarum Reges
Belgij Gubernatores, Auſtriæ Archiduces numerans
nec ab hoſtibus vincitur, nec à fatis
Erga IOANNEM NEPOMVCENVM quanto cultu
Leopoldus I. Pater, IOSEPHVS I. Frater ferretur
ex Sacratiffimo LEOPOLDI Filio CAROLO VI.
Fratre IOSEPHI & Sacratiffima ELISABETHA.

Romanorum Imperatrice
Conjuge videat Orbis.
Illi pulſarunt Romam, ut Petrus Cælum vel faſtos aperiret
interpoſuerunt authoritatem
ut Caput Orbis annueret
IOANNEM qui fuit, eſſe Sanctum:
ut optimus Chriſtiani Orbis Pater
virtute magis quàm Nomine BENEDICTUS
Beatum IOANEM referret inter Sanctos;
retulit talem dixit

& vota
Cæſaris ac Cæſareæ Auſtriacæ Domus
fatis abunde benedixit.

*Sancta Eminentiffimorū Sanctæ Romanæ
Eccleſiæ Cardinalium Cultûs D. JO-
ANNIS NEPOMVCENI
promotio.*

Quod

Quòd Orbis Christianus

etiam portis Inferi contra urgentibus non labatur
inde est, quòd bene supra suos Cardines

revolvatur.

Eminentissimi S. R. E. Cardinales sunt

Selecta ex toto Orbe Purpuratorum Patrum Corona

summi Capitis indefessi humeri

Promptæ CHRISTI Sponsæ Ecclesiæ Romanæ

manus

Ex illis est

Eminentissimus Annibal ALBANVS S. R. E. Præsbyter Cardinalis
& Camerarius, Vrbinas Archipræsbyter Basilicæ

Vaticanae, & Congregationis Fabricæ

Præfectus

suae gentis decus. Poloniae gloria & exultatio

nam Protector faventissimus

CLEMENTIS XI. Summi Pontificis Nepos

ut inter tot motus externos internosq; Poloniae

Calorum arcuisset inclementiam.

Famæ Patroni IOANNIS cultum

officio & Missà impetratà

per Regnum & Magnum Ducatum Lithvaniae extendit,

Legatus à Summo Pontifice ad Serenissimum AVGVSTVM

Regem Poloniarum, Saxoniae hæreditarium Ducem

quid non egit, quid non dextre perfecit

ut in Saxonia Lipsiæ in ipsa planè degenerum

Ecclesiæ Filiorum Patria

Ecclesia Sacris Romanis excitaretur
hanc nobis & augebit Patronus
Exules miremini per ducentos annos Sancti
per ipsum in Saxoniam rediere.

Ceremoniæ ritusq; ab Apostolis, alijsq; Sanctis Patribus
nobis per manus traditæ, ibi rejectæ
denuo Albano instante reassumptæ
Regni Poloniæ Protector, simul fidei ibi Promotor
ubi charitas erga Matrem Ecclesiam
extincta hæctenus plorabatur

sed
è pectore Regio & Ducali, fomite Albano
Cardinali, utinam Petri & Patruī Successore
reaccenditur.

Eminentissimi MICHAELIS FRIDETICI ex Comitib9
de Althan S. R. E. Præsb yteri Cardinalis,
indefessa circa IOANNEM sollicitudo
omni summa celebrabitur ævô

Posuit in causis cur IOANNES assurgere deberet,
proposuit NEPOMVCENI miracula,
quæ dum Roma stuperet

Sanctos IOANNINI decrevit honores,
Nempe stetit pro Fama IOANNIS ille,
qui quæ unquam perfecit
effecit ostenditq; secum celeberrima
& totius scitu digna Vniversi

Inve-

Investiturá Neapolitana longo tempore
à Summis Pontificibus suspensa,
hoc interveniente

feliciter ad faustum deducta eventum,
quippe summæ authoritatis vir
ut sua Pontifici servaretur fides,

Cæsarís uti Neapolitani Regis nomine
in manus Pontificias reposuit juramentum,

Viennensis Austriæ Ecclesia,
ut supra alias emineret,

Metropolitanam fieri mira activitate
procuravit.

Parum fore ista fecisse in terris existimans

cum ipso egit MICHAEL Eminentissimus Cælo,

ut Sydereus ab ipsa innocua nece IOANNES

in fastos Sanctorum relatus

appareat in æternum triumphantis Ecclesiæ Luminare.

Sancta Serenissimi AVGVSTI II.

Regis Poloniarum & Serenissimi FRI-

DERICI Saxonie Ducis, tum Serenis-

simæ MARIAE IOZEFÆ Conju-

gis pro D. IOANNE NEPO-

MVCENO promotio.

Cognata polo vel Nomine Polonia,

G

verum

verum Sanguine Bohemiae Germana,
Imperij Romano-Germanici Archimareschalco
Sceptra sua libere regenda concedens,
gaudet eundem

cum Serenissima stirpe sua habere pro poli Indigetibus

Intercessorem
pro quo Lechicae gentis stator intercessit,
ut Regnum & M. Ducatus Lithvaniae
sub NEPOMVCENI Nomine & Sacra celebraret,
& Mystarum ore officium decantaret.

Paris energiae preces

Ad Sedem Apostolicam Vicariam CHRISTI potestatem fusae
Serenissimi FRIDERICI & MARIAE IOZEFÆ Austriacae

Ducum Saxoniae.

Hic pro Zelo erga Catholicam fidem nuper suscepto,
haec pro Austriaco erga NEPOMVCENVM affectu

supplicarunt.

Vt pridem debita Sanctitatis Corona
illorum saeculo NEPOMVCENO poneretur.

*Indefessus Celsissimi Illustrissimi & Reve-
rendissimi D. FERDINANDI de Co-
mitibus Khunburg, Archi-Episcopi Pra-
gensis, Legati Nati S. R. I. PRINCIPIS
Sac: Cæs: Regiaeq; Majestatis Intimi Con-
siliarij, & Inclijti Bohemiae Regni Pri-
matis*

*matris, necnon CAROLO FERDI-
NANDE Æ Universitatis Pragensis
perpetui Cancellarij, tum Per augusti Ca-
pituli Pragensis circa perducendam ad
felicem exitum Canonizationem D.
JOANNIS NEPOMV-
CENI labor.*

Viderunt Celsissimi Antecessores sui IOANNIS miracula
cùm illa stuperent, moram agendis posuere.

Quò majora ac plura beneficia è Cælis largiebatur IOANNES
eò pene ipso suos honores retardabat
satis suæ Famæ absq; apotheosi providens
cùm alienæ indies per tot sæcula succurrisset

nunc tandem oraculo BENEDICTI XIII.

19 Aprilis Anno 1729.

approbatus Sanctus

Cum Celsissimus Bohemæ Primas Gentilitios
Pontificijs honoribus adornatos

Campos aperuit.

Nunc inquam suprema Petri potestas ceu lydius lapis
pretiosam in Conspectu Domini

NEPOMVCENI mortem probavit,

Cùm aureos Archi-Præsul Pragensis vibravit globos;

cui satis ad triumphum suppetet

dum quod alij solum de IOANNE in votis habuere

ipse feliciter videt in effectu.

Sub tesserâ D. VENCESLAI Ducis, & Martyris Bohemiæ
militans DEO, militans Ecclesiæ
Capitulum peraugustum Pragensē
iam vicit, dum Sanctum esse NEPOMVCENVM
dexterrimè evicit.

Præcipua in hoc sollicitudo fuit
duorum Pragensium Prælatorum.

Perillustris & Reverendissimus LVDOVICVS Steter
Canonicus Cathedralis Pragensis

sublevationem Reliquiarum, extensionem Missæ
& officij pro Regno Bohemiæ obtinuit,

Illustrissimus & Reverendissimus

IOANNES RVDOLPHVS SPOREK Episcopus
Adratensis, Canonicus Cathedralis Pragensis

Ipsam Divi Apoteosim
eventu perquam felici coronavit

Sanctus Celsissimorum Pontificum, & a-
liorum Procerum Regni Poloniæ, tum
Prælatorum erga D. JOAN-
NEM Zelus.

Ab Vniversali Ecclesia pro Sancto IOANNES susceptus,
communi id exposcebatur votò
non cessit alijs Regnis nostrorum Pontificū
ac Procerum pietas imò seriò institit
ut & Sacer cultus NEPOMVCENO ferretur, & idem
San

Sanctus vocaretur.

Celsissimus Illustrissimus & Reverendissimus Dominus THEODORVS in Potok POTOCKI, Archi-Episcopus Gnesnensis, Legatus Natus Regni Poloniae & M. Ducatus Lithuaniae Primas primusq; PRINCEPS.

Sedi Apostolicæ supplicem se dedit ut Regnum & Magnus Ducatus Lithuaniae missâ & officio coluisset IOANNEM.

Celsissimi Illustrissimi & Reverendissimi D. CONSTANTINI FELICIANI in Szaniawy SZANIAWSKI, Episcopi Cracoviensis Ducis Severiæ, almae Universitatis Cracoviesis Cancellarij candor.

ut INNOCENTIAM IOANNIS reddat manifestam præter innumera pietatis documenta

Processum exhibuit

ut Solennior Divi in Urbem Cracoviam eveniret

Introductio.

tanto D. Indigetis plausu adest Ducalis Eques CZARTORYSCIVS

H

Celsif.

Celsissimus & Excellentissimus Dominus
JOSEPHVS CZARTORYSKI,
Vexillifer M. D. Lithuaniae singu-
laris hujus Patroni Cultor.

Cum Cæli sint eidem favorabiles, ille impensius
ut in IOANNEM gratiofus.

Inter pios manes versatur quidem
In præsentem tamen sæculi nostri manet memoria:

Celsissimus olim Illustrissimus & Reveren-
dissimus Dominus CASIMIRVS à
Lubna ŁVBIENSKI, Episcopus
Cracoviensis Dux Severia.

sub cuius olim Pastoralis cura
NEPOMVCENVVS in Orbe Cracio crevit cultus.
Reflorescit hic Roseus Præsul.

Illustrissimus olim & Reverendissimus D.
MICHAEL in Słupow SZEMBEK,
Episcopus Paphensis Suffraganeus
Cracoviensis.

Erga omnes Superos pius, in hunc præcipuè devotus,
Ponderosum est pretium IOANNIS
igitur in stateram venit.

Illu-

Illustrissimi & Reverendissimi MICHA-
ELIS KVNICKI, Episcopi Arfino-
ensis, Suffraganei Cracoviensis, Sancti
NEPOMVCENI Cultui Al-
tare dedicavit.

Totum peraugustum Capitulum Cracoviense;
Pretiosæ speciosæq; Diœcesis Gemmæ
Mytris Tyarisq; aptissimæ
erga IOANNEM fatis candidæ
e quarum numerosa serie

Perillustris & Reverendissimus Dominus
M. JOANNES LVKINI, Juris
Vtriusq; DOCTOR & PROFESSOR, Ca-
nonicus Cracoviensis.

Ecclesiastici & Literarij Orbis decus
D. Themidis fidelissimus Interpres

præmissa olim Statuæ hujus Sancti benedictione
bene sentire & dicere non cessat de IOANNE,
ad ipsum hujus Solennis actûs initium
ex Sacra D. ADALBERTI exedra
pro laudibus D. MARTYRIS disertus:

Devota Almæ ac Celeberrimæ Universti-
tatis Cracoviensis erga D. IOANNEM
NEPOMVCENVM propensio.

Alma Studiorum MATER Universitas Cracoviensis
ex proprio voto

Tuæ Solennitati Studioſa plaudendi,
Semper Te magnum æternæ Sapientiæ Alumnum
Sanctarum virtutum Magiſtrum,
& cunctarum Scientiarum domicilium proficitur.

Cui Martyria inſignito laureolâ
ſuas Scientificas proſternit laureas
In triumphalem Sanctæ Canonizationis Coronidem
propriam cum Sceptraſera Cruce
Tibi o magne DOCTOR ſubmittit Coronam,
ut illi in indita regnanti Fama

Singulare protectionis Tuæ præbeas patrocini-
um. Ad Poloniæ Incolas D. MARTYRI addictiſſimus
in Vrbe Vrbi-um reſidens pertinet
quâ eruditione, quâ rerum agendarum dexteritate
Præſatus digniſſimus

*Perilluſtris & Admodum Reverendus D.
PETRVS ROBERTSON, Canonicus
Regularis Sancti Spiritus de Saxia, Ar-
chi-Hospitalis in Vrbe Romana
PRIOR digniſſimus.*

quò Sedi Apoſtolicæ propior
eo pro honore IOANNIS promovendo ardentior
ejuſdē cum Patria, Cracia nempe Vrbe
ſenſus & affectûs ſingularis ſolicitudo

ut non

ut non aliter ab Orbe Polono IOANNES colatur
nisi Sanctus.

Devotum Nobilissimi Magistratus Craco-
viensis, totius Metropolis, & Confrater-
nitatis Literatorum erga D. IOAN-
NEM NEPOMVCENVM
piæ gratitudinis officium.

Vt ad Septicolis Romæ montes
resonuit Sancta Pontificis de IOANNE vox,
illico ad Turres Cracias refracta
in plausus addictam IOANNI excitavit Urbem;

Regia expandit alas Aquila
ut Sanctum recipiat, qualem ab ipso Tonante exposcebat;
Cui in Circulo sui Vrbs clarissima præfixit locum,
ut ad ipsum omnium Civium vota colliment commodiùs.

Patres Patriæ digna tanto Senatu Nomina

Viri de Civibus selecti

pro susceptis suscipiendisq; à IOANNE gratijs
& pretiò & precibus erga eundem effusi,
quam tamen Introductionis magnificentiam

spectator videt oculus,

adscribat industriæ & indefessæ sollicitudini vestræ
quinimo semel cæptæ, & nunquam desituræ
erga Divum NEPOMVCENVM pietati.

Nondum IOANNES Sanctus, & Sancté in D. ADALBERTI

ædibus à vobis cultus

Missarum frequentia, Altaris pro captu hujus Templi Magnificentia
pro Decreto Canonizationis Solennis gratiarum actio

ac tandem præfens plausibilis
& futuris temporibus memoranda Introductio
Vestra activitate comparet
in honorem Martyris Divinissimi manifesta
Dicata Cultui Mariano Confraternitas Literata
pridem hujus Templi inquilina


D. Martyris Socia
Ad auroram solis Iustitiæ MARIAM
etiam sydera admisit IOANNIS
ut clariùs in medio Urbis
lux ipsius devotionis
tam coram advenis, quam coram Indigenis
coramq; omnibus luceat hominibus;
ab hoc Metropolitanæ Urbis centro
prodeat indies qua latepatet in totam Poloniam
Divi IOANNIS NEPOMVCENI
Annò Domini MCCCLXXXIII. 16. Maj.

è Ponte Pragensi
pro non violato sed servato Sacrosanctæ Confessionis sigillo
à VENCESLAO Bohemiæ Rege præcipitati


Martyris

Annò verò 1729. die 19. Martij vivæ vocis oraculò
S. D. N. BENEDICTI XIII.

Sacra Apotheosi donati
FAMA, Triumphantis
SANCTIMONIÆ.



ti
e,
M
o-
m
o
es
er
ne
a-
ut
o
c-
y-
ri-
e-
.
.
.
.



22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

